

8  
1960



დღეს  
კინოვიდეო  
წარსული  
"ზაფხული"

ან. ი. ქოქიაშვილისა

რესპუბლიკის ზოგიერთ სოფელსა და დასახლებულ პუნქტში თვეობით არ უჩვენებენ კინოსურათს.

— სედავ, ქარუმ, ამ ზაფხულსაც  
„წარსულ ზაფხულს“ კვიჩვენებენ?!

№ 15 თბილისი აპრილი 1960

საბჭო

ბაგოტაძის XXXV III წელი, ფასი 2 მან.





# ნიანგის მეცხე


უფელდღიურად მრავალწერად  
დებულობს ნიანგი ჩვენი ტესტობლი-  
კის უველა კუთხიდან. მათში არის რო-  
გორც იუმორისტული მოთხრობები და  
ფელეტონები, ისე პასუხები გამოკვეყ-  
ნებულ კრიტიკულ მასალებზე. ნიანგს  
სურს მკითხველებს აცნობოს მიმდინა-  
რე წელს დაბეჭდილ ზოგიერთ კრიტი-  
კულ ფელეტონსა და წერილზე მიღე-  
ბული პასუხების შინაარსი.

## სადგურ მცხეთაში სიწყნარა

მკითხველებს კარგად ახსოვთ წერილი, რომელიც ნიანგმა დაბეჭდა მიმდინარე წლის მე-2 ნომერში სათაურით — «მეცხე ნიჭსა გზა ფართო». მასში მოთხრობილი იყო მცხეთის სადგურის უფროსის მიხეილ ნიკოლოზის — ძე ჩიგოგიძისა და მისი მარჯვენა ხელის ბიჭიკო კალანდაძის «საგმირო» საქმეების შესახებ.

საქართველოს კპ მცხეთის რაიკომის მდივანი აშხ. ზ. მირზაშვილი გვატყობინებს, რომ წერილში მოყვანილი ფაქტები მთლიანად დადასტურდა. მიხეილ ჩიგოგიძე განთავისუფლებულია დაკავებული თანამდებობიდან. ხოლო სადგურის პირველადი პარტიული ორგანიზაციის მდივანი ბიჭიკო არქიპოს — ძე კალანდაძე პარტიულ-პოლიტიკური მუშაობის ჩაშლისა, პარტიული მეთუნეობის მოუწესრიგებლობისა, შრომის დისციპლინის უხეში დარღვევისა და ცილისმწამებლური ჭორების შეთხზვაში მონაწილეობისათვის მოიხსნა პირველადი პარტიული ორგანიზაციის მდივანობიდან და გამოეცხადა საყვედური.

ამჟამად სადგურ მცხეთაში სრული სიწყნარაა და აღარავინ უშლის ხელს მუშა-მოსამსახურეებს ნორმალურ მუშაობაში.



## დამნაშავენი დაისაჯნენ

ნიანგმა თავის მე-4 ნომერში დაბეჭდა ფელეტონი — «ბრ 14-12», რომელშიაც აღნიშნული იყო თუ გამოძიებისა და ცრუმოწმეთა ჩვენებით როგორ შეიცვალა ბრალდებლისა და ბრალდებულის როლები.

აღნიშნულ საკითხზე თბილისის ორჯონიკიძის რაიონის პროკურატურამ დამატებით ჩაატარა ძიება. რის შემდეგ საქმე განიხილა ამავე რაიონის სახალხო სასამართლომ და მძლოლ ამირან ჩახავას, რომელმაც მანქანის დაჯახებით მიძიდ დააშავა მოქ. სონიშვილი, მიესიჯა თავისუფლების აღკვეთა 3 წლით.

სათანადოდ დაისაჯნენ ის ექიმები, რომლებიც ყალბი საბუთების შედგენით და გამოძიების დროს მიცემული ცრუჩვენებებით ცდილობდნენ სასჯელი აეცდინათ დამნაშავესათვის.

საქართველოს სსრ უანმართელობის მინისტრი აშხ. გ. მარუაშვილი გვატყობინებს, რომ სამინისტროს კოლეგიამ სპეციალურად განიხილა ექიმების მ. გურგენიძის, ვ. ბერაძისა და სასამართლო-მედიცინის

ექსპერტ მ. ნინიკაშვილის საკითხი. კოლეგიის დადგენილებით დაევალა ტრავმატოლოგიისა და ორთოპედიის კ. ს. ინსტიტუტის ადმინისტრაციას, ადგილკომთან ერთად, განიხილოს საკითხი მურმან გურგენიძის დაკავებული თანამდებობიდან მოხსნის შესახებ. ექიმ ვ. ბერაძეს, რომელსაც ფელეტონის მკითხველები იცნობენ, როგორც ცრუმოწმეს, გამოეცხადა საყვედური. ხოლო მ. ნინიკაშვილს მიეთითა.

კოლეგიის აღნიშნული გადაწყვეტილება გაეგზავნა რესპუბლიკაში არსებულ უანმართელობის დაცვის ყველა ორგანოს სამედიცინო პერსონალისათვის გასაცნობად.

ადმინისტრაციული სასჯელი დაედოთ ქ. თბილისის მილიციის მუშაკებს ლ. შარფაშვილს და ნ. ცინცაძეს.




## ალუღგენელი ავტორიტეტი

სამგზავრო ტაქსების მძლოლთა მუშაობაში არსებულ ნაკლოვანებებს ეხებოდა «ნიანგის» მე-6 ნომერში დაბეჭდილი ფელეტონი «დაკარგული ავტორიტეტი». თბილისის საქალაქო ტრანსპორტის მთავარსამართველოს სამგზავრო ტაქსების სამმართველოს უფროსმა აშხ. დ. კვარაცხელიამ გვაცნობა, რომ მათ მიერ ჩატარებული იქნა სათანადო მუშაობა მძლოლთა შორის მგზავრთა მომსახურების კულტურის ამაღლებისათვის. მიღებულია აგრეთვე ზომები გარაჟიდან გასვლის წინ მძლოლთა ხურდა ფულით უზრუნველსაყოფად.

აშხ. დ. კვარაცხელიას თავის მომართვაში ჩამოთვლილი ჰყავს ის მძლოლები, რომლებიც დაისაჯნენ მგზავრთა მოტყუებისათვის. აქვე ის აყენებს საკითხს იმის შესახებ, რომ ზოგიერთი მოქალაქე იჩენს დაუშვებელ უპრინციპობას მძლოლთა დანაშაულის მხილებისა და დასჯის საქმეში. ასეთი მგზავრები ჯერ აყენებენ საკითხს მძლოლის დასჯის შესახებ, ხოლო, როდესაც იწერება ბრძანება მათ განთავისუფლებაზე, წერენ ახალ განცხადებებს და გამოდიან დამნაშავეთა დამცველის როლში.

ნიანგს მიაჩნია, რომ მიუხედავად სამმართველოს მიერ მიღებული ზომებისა, მრიცხველების ავტორიტეტი დღემდე ალუღგენელი რჩება. საჭიროა ამ მიმართულებით სამმართველომ კვლავ გაატაროს საჭირო ღონისძიებები.



## „ფიგარო“ დაპატიმრებულია



არავინ იფიქროს, რომ საქმე საქვეყნოდ ცნობილი ნაწარმოების მთავარ გმირს ფიგაროს ეხება აქ სხვა ამბავია. ნიანგმა თავის მე-7 ნომერში გამოაქვეყნა ფელეტონი — «ფიგარო აქ. ფიგარო იქ». ამ ფელეტონის გმირი, რომელიც ხოტიკოლლუსალი გაშმოგვს, ალი აღდაშლის და ვინ იცის კიდევ რას არ უწოდებდა თავის თავს, ამას წინათ აზერბაიჯანიდან საქართველოს ესტუმრა «საგასტროლოლი».

ამ თაღლითმა, ქურდმა და გაიძვერამ მრავალი დანაშაული ჩაიდინა თავის სამშობლოში და შემდეგ საქართველოს მოაშურა. ჩვენი დროის ხლესტაკოვმა აქ თავი აზერბაიჯანელ მწერლად გაასაღა. კარგად იპურმარილა მისთვის თუ სხვისთვის მოწყობილ ბანკეტებზე, «სესხის» სახით ფულიც ბლომად შეაგროვა და შემდეგ გაუჩინარდა.

აზერბაიჯანის სსრ პროკურატურა გვატყობინებს, რომ ქურდი და გაიძვერა ხოტიკოლლუსალი გაშმოგვი დაპატიმრებულია და მალე მისი «შემოქმედებითი» ანგარიში მოსმენილი იქნება სასამართლოს სხდომაზე.







ნახ. დონისა

ორი დაჯახება

# ნათქვამი



მოიბრუნს და ამიტომაც იოლი გზით არჩევს სახლადფორთო ბარათის თავიდან მოშორებას: «მოქ. ესა და ეს აღნიშნულ მისამართზე არ ცხოვრობს» მიაწერს და ჰაიდა, წერილი, უნდა თუ არა, პატრონს უბრუნდება ამოდ დამაშვრალი და გაწბილებული. ათასგვარი უსიამოვნება და გაუგებრობა კვალდაკვალ მოსდევს ამ ამბავს და არის ერთი კვლევა და ძიება, სად გადავიდა ახლო ნათესავი ისე, რომ არც კი გააგებინა მას და ასე და ამგვარად, და ასე შემდეგ.

კომუნალური განყოფილების ტექნიკური აღრიცხვის მუშაკებსაც ებნევათ დავთარი, თუ ფოსტის დამტარებელმა ადრესატი დაკარგა, ესენი მთელ სახლს კარგავენ მთელი თავისი ავლადიდებითა და მცხოვრებლებით.

სამისამართო ბიუროშიც ბრინჯივით არიან დაბნეულებნი: როცა თხოვ ესა და ეს ქუჩა მიმასწავლეო, ასე გეუბნებიან, ან იქ მიდი, ან იქ მიდი და ან ნახავ და ან ვერ ნახავო.

ყველაფერი ეს მაშინ ხდება, როცა ქუჩების მთელი რიგი ჯერ კიდევ მოუნათლავია: «პირველი უსახელო», «მეორე უსახელო», «მესამე უსახელო», პირველი უსახელოს უსახელო შესახვევი, «ბესლეთის პირველი», «ბესლეთის მეორე» და ასე შემდეგ. როდის მოხდება სოხუმის ქუჩების საბოლოო ნათლობა?

ი. სოსხველი

## კიბერნეტიკა გვიგობი

კიბერნეტიკის როლი და მისი დანიშნულების აუცილებლობა წყალტუბოელ ფოსტის განყოფილების მუშაკებმაც კარგად იციან.—მეცნიერება სასწაულებს ახდენს და ჩვენ რა პირდაპირი ვზივართ,—თქვენ ერთ დღეს წყალტუბოელმა ფოსტის მუშაკებმა.

- აბა, რავა პირდაპირი ვზივართო.— გაიმეორეს.
- აღმოჩენააო!— იბღვლა ერთმა.
- რა აღმოჩენააო,— პირი დააღეს დანარჩენებმა.
- აგერ ახლოს ლამაზი, კეთილმოწყობილი სოფელია...
- რომელიო!— იკითხეს.
- გვიშტიბიო.— თქვა აღმომჩენელმა.
- უი. მართლაო,— კიდევ გაუფართოვდათ პირი დანარჩენებს.
- მერე, მერე! — შესძახეს აქეთ-იქიდან.
- ჰოდა,— განაგრძო მან.— აგერ აპარატი რომ გვაქვს...
- რა აპარატიო,— ეცა პირში რომელიდაც.

— ავტომატაპარატი, რაიონიდან რომ თავისით რთავს აბონენტებს. როცა ფოსტის გამვე სახლში მიდის სამუშაო საათებს შემდეგ.

— ეს ძალიან კაი, მარა ეს აპარატი გვიშტიბიში გამოგონებული არ უნდა იყოსო,— ვერ დაფარა უკანა სკამზე მჯდომმა.

— მერე რა ვუყვით ამ აპარატსო?— ჰკითხეს გამოგონებულს.

— გვიშტიბის სასოფლო ფოსტაში დაედათო.

— ავაშენა ღმერთმა და მაღადეცო!— იბღვლა ყველამ.

ასე დაედო საუბრე კიბერნეტიკულ აღმოჩენას ერთ ლამაზ, კეთილმოწყობილ სოფელში ორი წლის წინ და აპარატი, რომელიც იმიტომ გამოჩნდა ქვეყნად, რომ ავტომატურად რთავდეს რაიონიდან აბონენტებს, ფოსტის გამგის წასვლის შემდეგ ღუმს, ღუმს მთელი თექვსმეტი საათი

ო. იოსელიანი

მშრომელთა დეპუტატების სოხუმის ქალაქის საბჭოს აღმასკომის ხელგაშლილობა-სა და გულკეთილობაზე თუნდაც ის ფაქტიც აშკარად ღაღადებს, რომ იგი სულაც არ ერიდება ზედმეტ ხარჯებს და წარამარა უცვლის ქუჩებს სახელებს, აკრავს და აკრავს ახალ-ახალ აბრებს. ისე ხშირია ქუჩების მონათვლა და გადანათვლა, რომ, ხანდახან, ორი დღის მივლინებიდან დაბრუნებული კაცი თავის ქუჩას ვერ აგნებს, თუ ვინიცოხა, ცოტა არ იყოს, შექიფიანებული, ტაქსში ჩაჯდება და მის მძღოლს მიანდობს მეგზურობას.

ღმერთზე იტყვიან სამოხითაო, სოხუმში კი ამბობენ, ღმერთი არ არსებობს, მაგრამ სამობა მაინც დარჩა.

რადგანაც ჩვენს მშობლიურ ქალაქში ქუჩაა სამობითო.

ასე, მაგალითად, ოთხი მარტის ქუჩას ამ მოკლე ხანში სამჯერ შეეცვალა სახელი. ჯერ იყო ოთხი მარტის ქუჩა, მერე ნინოშვილის ქუჩად იქცა, ოთხი მარტის ქუჩად იქცა ერთ-ერთი ცენტრალური ქუჩა, მერე, ალბათ, ამჯერად მან რამე დანაშაული ჩაიდინა, ქალაქის საბჭომ დაუყოვნებლივ მოიწვია სხდომა, და, როგორც მოუსვენარი ქუჩა, ცენტრიდან სადღაც გარეუბანში გადაასახლა და იქ მიკარგა.

ფოსტის დამტარებლები ფეთიანებივით დარბიან ქუჩიდან ქუჩაზე, რათა როგორმე აღმოაჩინონ ადრესატი, მაგრამ მათი ღვაწლი ხშირად ამოაო, რადგან ერთი მოკითხვის ბარათის დანიშნულებისამებრ ჩასაბარებლად კაცი მთელ ქალაქს ვერ შე-







ჩემი ოჯახი და ბულალტერია ერთმეორისაგან განუწყვეტელი მცნებებია. საოჯახო ბიუჯეტი მტკიცე საცხოვრებელ გეგმაზეა აგებული და ერთი კაპიკი სალდოც კი, აქტივში მოხვედრილი, ახალი შენაძენია, ხოლო პასივის გრაფაში—მთელ გადატრილებას იწვევს. ყველაფერი გეგმით მაქვს გათვალისწინებული. ასე გასინჯეთ ავტოტაქსოყარლის სასარგებლო აუცილებელი გადახარჯიც კი, რომლის გამო მადლობასაც არ ამბობს მისი წამლები.

მაგრამ აი, ჩემი ოჯახის საბალანსო პასივში შეიჭრა უცნაური შემთხვევა. ამ შემთხვევამ უცებ 1120 მანეთი დამიკარგა. ერთ მშვენიერ დღეს მოულოდნელად გამოირკვა, რომ უნდა გადაიყაროს ჩემი ოჯახის კუთვნილი საბავშვო ველოსიპედი, საბავშვო ეტლი, ავტოსიფონი, ელექტროტრაქტი, ჩინური ელექტროფანარი და მანთია („ზაქივალკა“). უნდა გადაიყაროს, მაგრამ სად? ავტოსიფონი, ელექტროტრაქტი, ელექტროფანარი და მანთია თავისუფლად შეიძლება მოთავსდეს სანაგვე ყუთში. ველოსიპედსა და საბავშვო ეტლს კი იგი ვერ დაიტევს. მხედველობაში იქნა მიღებული ის გარემოება, რომ ჩვენი სარდაფი უკვე სავსეა ძველმანებითა და პირაბზარული. ბოთლებით, რომლებიც გასტრონომმა იარლიყით დაფარა და ისე შემოგვატყუა.

გაჭირვებიდან გვიხსნა ჩემმა უფროსმა ბიჭმა, რომელმაც მაშინვე მოიწვია სკოლის ამხანაგები და მათ, დიდი მადლობის გადახდის შემდეგ, ხსენებული ნივთები სიამოვნებით წაიღეს უტილში ჩასაბარებლად.

შემოსხენებული ზარალი გამოიწვია შემდეგმა გარემოებამ:

საბავშვო ველოსიპედი და ეტლი, ავტოსიფონი, ელექტროტრაქტი, ფანარი და მანთია შექმნილი მაქვს სხვადასხვა დროს, სხვადასხვა ადგილას და სხვადასხვა ფასად. დღეს კი გამოირკვა, რომ მან-

# გაგა

თიისათვის, რომელსაც ასე გაფაციცებით უშვებს ჩვენი ქალაქის წარმოება, ქვა არ იშოვება ჩვენს ქალაქში. ქვას მხოლოდ ერთ ცალს გაძლევენ მანთიის ყიდვის დროს და შემდეგ, ხელახლა თუ იყიდი მანთიას, თორემ, ქვას ვერსად იშოვი. ავტოსიფონს მცველი სარქველის რეზინი გაუცვდა შექმნიდან მესამე დღეს და, როგორც მალაზიის მუშაკთა პასუხიდან გამოირკვა, საჭიროა 130 მანეთად ღირებული ახალი სიფონის ყიდვა, რადგან საგაჭრო ორგანიზაციას კაპიკად ღირებულ საქონლის სხვა რესპუბლიკიდან შემოზიდვა ხელს არ მისცემს.

ჩინური ფანრის განათებას სჭირდება ეგრეთ წოდებული ელემენტი. ელემენტი მრება ექვს თვეში, ხდება გამოუსადეგარი და მის სასყიდლად საჭირო ყოფილა ჩინეთს წასვლა. ასე, რომ ერთი ბატარა ფანრის სინათლე უნდა დამიჯდეს იმდენივე, რა ფასადაც ზაპისისხელა მთელ ელსადგურს ავაშენებდი რომელიმე მდინარეზე.

ელექტროტრაქტის ღირებულება 32 მანეთია. მას მორგებული აქვს განსაკუთრებული ელნათურა თავისივე ჩაჩით. ელნათურა გადაიწვა რამდენიმე თვეში. იგი აღარ იშოვებ ჩვენს ქალაქში. გამოუსადეგარი გახდა თვით ჩაჩიც, რადგან კაცის თავის მაშინაც, ვერ მოერგება, რეზინისაც რომ იყოს.

რაც შეეხება საბავშვო ეტლსა და ველოსიპედს, ორივეში გადახდილი მაქვს 900 მანეთი, ორივე რეზინის საბურავებითაა აღჭურვილი და, მოვეხსე-

ნებათ, საბურავი თუ გაბერილი არ არის, ისე მისი ხმარება შეუძლებელია. გაბერვას კი ხელს უშლის სრულიად მცირე დეტალი, ეგრეთ წოდებული „ზოლოტნიკი“ რომელიც—გაცივდა, აგრეთვე ქალაქში არ იშოვება. მის შესაძენად საჭირო ყოფილა მოსკოვს წასვლა და, თუ გინდა, რომ ასეთი მგზავრობა იაფი დაგიჯდეს, უნდა საკუთარ სარგებლობისათვის შეიძინო «ტუ-104». მაგრამ ყველაზე ტრაგიკული გახლდათ ჩემი უფროსი ბიჭის ამასწინანდელი არასასიამოვნო ინფორმაცია. მან სირბილით მოაღწია სახლამდე და კარგახანს ქლოშინის შემდეგ გამიცხადა, რომ მალაზიებში მრავალი ცდის შემდეგ მოულოდნელად გაჩნდა ეგრეთწოდებული «ზოლოტნიკები» და მანთიის ქვა. მანთიის სანაგვე ყუთში ძებნა მალაზიაში ჩაის ლამბაქისა და უბრალო სამარილის მოკითხვას უდრიდა. ჩვენი ველოსიპედი და საბავშვო ეტლი კი, როგორც იმავე ჩემმა ბიჭმა ამხსნა, უკვე გადაედნოთ და ტროლეიბუსის მი-საბმელი გაეკეთებინათ.

აჰრივად, ჩემი საოჯახო ბულალტერია დადგა ყირაზე და განიცადა საშინელი ფიასკო. ეს გამოიწვია ჩვენი სავაჭრო ორგანიზაციის კომერციულმა ბულალტერიამ, რომელიც მის მუშაობაში ითვალისწინებს შემდეგს: საფინანსო გეგმა რომ გადაჭარბებით შეასრულო, საჭიროა ძვირადღირებული, ადვილგასასყიდი საქონლის შემოზიდვა საწყობსა და მალაზიებში, იმ საქონელს თუ დამატებით იაფად ღირებული დეტალს შეცვლა დასჭირდა, ამაზე თავი უნდა იტეხოს თვითონ მომმარებელმა.

თუ ჩვენი სავაჭრო ორგანიზაციების უნარი და მომსახურება ამ გზით წარიმართა, მალე ალბათ იმის მოწმენიც გავხდებით, რომ სარკმლის მინის ჩამსხვრევის შემთხვევაში, ახალ, სამაგიერო სახლს ავაშენებთ, ხოლო ღვინოს მხოლოდდამხოლოდ ყანწთან ერთად გავყიდით.

3. ივანიშვილი

**ნიანგის მქსიკონი**

ექიმი—ეტყვი სად გტკივა და შეიძლება გითხრას რა გტკივა.

ზემო სასუნთქი ორგანოს კატარალური ანთება—სამსახურის უმიზეზოდ გაცდენისას ემართებათ.

თერმომეტრი—ჩიტის რძე.

ტელევიზორი—ოჯახში ახალ-ახალი უცნობების გამცნობი აპარატი.


სპეკულანტი—მოდების გამავრცელებელი.

მოდა—ეპიდემიური ხასიათის ავადმყოფობა. ორივე სქესის ახალგაზრდებს ემართება. თბილისში ხანშიშესულ ადამიანებსაც გადაედო.

მაცივარი—მეზობლისა და შენი რომ გგონია.

3. შენგელი

ნახ. ა. კანდელაკისა



— რა დაგემართათ, რომ მთელი ოჯახი ამ ერთ ვირთავას დასტირით?

— მარჩენალი დავკარგეთ, ქალო, და არ ვიტყვით ვისლა უნდა დააბრალოს ჩემმა ქმარმა პროდუქტების დანაკლისი!



საუბრალო ნიანგო!

გვერდმკობრის რაიონის სოფელ დიდა ჭყონში ორი კოლმეურნეობაა — კალინის სახელობის და მახარაძის სახელობისა, პირველს ა. ჯანაშია თავმჯდომარეობს, მეორეს ნ. დგებუაძე. ერთმანეთთან არაფერი აქვთ საერთო, გარდა ერთი კილომეტრი შარაგვისა და წლების მანძილზე დავობენ... თუმცა არა კერძო-მესაკუთრული პრინციპით, არა, სრულიად საწინააღმდეგო გრძნობებითა და განწყობილებებით... არადა ეს გზა შენ გვეკუთვნის, არადა შენო. ზედ ერთიცი დაიარება და მეორეც, ერთსაც სჭირდება და მეორესაც, მაგრამ ვერ იქნა და ვერ გაირკვა საბოლოოდ ვის ეკუთვნის იგი. საქმე ისაა, რომ გზა ორმოციბითაა სავესე და გასაკეთებელი, თორემ, ია-ვარდებით რომ იყოს მოფენილი და არა ტალახით, ერთიცი თავისად ჩათვლიდა და მეორეც.

სოფსაბჭოს თავმჯდომარეს იმდენი ქალაქი აქვს დაწერილი ამ გზის კეთილმოწყობისათვის ჩასატარებელი ღონისძიებების შესახებ, რომ გზის იმ ნაკვეთს თავიდან ბოლომდე გასწვდებოდა, მაგრამ რაიონსაკომის, ნეიტრალიტეტის წყალობით საქმე ადგილიდან არ იძვრის.

როგორც მცხოვრებლები იძახიან, სხვა გზა არ არის. ეს გზა უნდა გაკეთდეს. მაგრამ ჯერჯერობით კაცის შვილი არ გამოჩნდა, რომელიც გარკვევს რა გზით უნდა გაკეთდეს იგი. შენს იქით გზა არა გვაქვს. საყვარელო ნიანგო და იქნება ჩამოხვიდე, გზადაგზა გააგებინო ვისაც ჯერ არს. ვინ და რატომ უნდა გააკეთოს იგი და რომ ამ გზით, რომელსაც ახლა ადგანან, გზის გაკეთება შეუძლებელია.

დიდი ჰუმორი

პატივისცემულ ნიანგო!

მართალია, არსებობს ქართული ბრძნული ანდაზა — „ღმერთმა გაშოროს ექიმი და ვეტილიო“, მაგრამ გამოცდილებამ დაგვარწმუნა, რომ არც ასეა საქმე. გორის რაიონის სოფელ საყვარის საექიმო უბანს, უჯარო გენერლისა არ იყოს, შვიდი წელია, რაც ექიმი არა ჰყავს.

ამ გრძელი შვიდი წლის მანძილზე უექიმოდ დარჩენილი რომელიმე ავადმყოფი თბილისის სახელმწიფო სამედიცინო ინსტიტუტში რომ გაგვეზავნა, თუ პროფესორი არა, მედიცინის მეცნიერებათა კანდიდატ მანც დაგვიბრუნდებოდა.

ყველაზე მნიშვნელოვანი

ამ საკითხის გარშემო გვინდოდა შევკრებოდიყავით, ჩვენი გულის ტკივილი ერთი მეორისათვის გავგეზიარებინა, გვეთათბირა, გვეკამათა, მაგრამ, თავს ზევით ძალა არ არის. ვერ მოვახერხეთ, რადგანაც სოფელში, უკაცრავად ვართ და კლუბი არა გვაქვს.

ვიღაცამ აზრი გამოთქვა, საყვარის შვიდწლიან სკოლაში მოვიყაროთ თავი, მაგრამ მერე თვითონვე შეშინდა. ენაზე იკბინა და თავი შეიკავა:

— მაპატიეთ. წამომცდა. თავზე დაგვეზრუვაო.

ასე დიდხანს დაერჩით ჩვენი კოლ-

მეურნეობის რადიოკვანძივით დაღუბებულები, სანამ არ შემოგვადამდა — სინათლე აანთეთო. — წამოცდა ისევ იმ კაცს და ისევ ენაზე იკბინა. ჩვენც ავიღეთ და დავიშალეთ. მე თქვენ გეტყვით და ჩვენც წავიდოდით და კინოში შევიდოდით ან სოფლის ბიბლიოთეკაში ახალ კურნალ-გაზეთებს წავიკითხავდით!

კიდევ ბევრი რამ მინდოდა მომეწერა. პატივცემულ ნიანგო, მაგრამ ფინანსები მოვიდა და არ მაცლის. რადიოს ფული გადაიხადეთო.

შენ რას მიჩრევე, პატივცემულ ნიანგო, გადავიხადო?

უხველავრო

ჯამბაზი სვანეთიდან


მახსოვს, ყმაწვილკაცობაში, ჯამბაზმა კიომ თბილისის ცირკის არენაზე კარგა მოზრდილი, ორასმანეთიანი, ჩაბუტკუნებული ბატი ჩასვა ყუთში, ფუო, შეუბერა სული და სადაა ბატი! მაშინ რომ გავცეცხვებინებ პირი დავაზრინე, მესტიის რაიონის სოფელ ჭუბერში ვაპირებდი დამუწვას მაგრამ ვინ გაცალა, სოფლის ფოსტის

გამე გოშთელიანმა ისეთი ფოკუსი გამოიკეთა, მე კი არა, ერთხანს. თვითონაც უკვირდა.

ფოკუსი ასე დაიწყო: ამა წლის 30 მაისს ჭუბერიდან სოხუმში დეპეშით (№-62) გაგავაგზავნე ორასი (200) მანეთი ფოსტაში ფული გამომართვეს, ყუთში ჩადეს. არც სული შეუბერიათ. არც ფული უთქვამთ და სადაა შენი ფული?



სოფლის ურანა ულუსობადას  
571  
60  
16/11/60



თერთმეტ ივნისს სოხუმიდან მიღებული წერილიდან გავიგე, რომ ადრესატს ფული არ მიუღია 13 ივნისს ვაფრინე პასუხიანი დეპეშა №5. როგორც შემდეგ გამოირკვა, საპასუხო დეპეშა (№2803) მეორე დღესვე გამოუგზავნიათ სოხუმიდან, მაგრამ როგორც ჩანს, გზაში იმასაც შეუბერა სული ვიღაცამ და სადაა შენი დეპეშა!

22 ივნისს სოხუმიდან კიდევ ერთი დეპეშა (21501) გამოუგზავნიათ, რომელიც, თურმე პირადად ჩამბაზრეს, მაგრამ, რადგანაც ფოკუსი იყო, მე არაფერი გამიგია.

რაკი ასეთი ხანგრძლივი და საოცარი ფოკუსი ჯერ არ მენახა, უფრო ფართოდ დავაზრინე პირი და ამა წლის 26 ივნისს ქ. სოხუმში გავმგზავრე ფოკუსის შესამოწმებლად

მაგრამ ფოკუსი ისევ ისე ფოკუსობდა. ფული ჯერ კიდევ არ იყო მიღებული.

სოფელში დაბრუნებულმა 9 ივნისს კიდევ უფრო დავაზრინე პირი და საშინლად მომინდა ფოკუსით აღფრთოვანებულს მებღავლა. მაგრამ ფოსტის გამგემ გოშთელიანმა ჯიბეზე ხელი იტაცა. 23 ივნისს მიღებული დეპეშა (№21501) დააძრო. პირში ჩამჩარა და მითხრა.

— გაჩუმდი! უმაღლესდამთავრებული კი არა. გლეხი არ იკადრებს, ორასი მანეთის გულისათვის ადამიანი გაიმეტოსო!

როგორც, ჩვეულებრივ, ფოკუსების დროსაა მიღებული. ფოკუსში გამოყენებული ნივთები პატრონს უბრუნდება. მაგრამ ეს ფოკუსი იმდენად ღრმა და შინაარსიანი აღმოჩნდა, რომ ჯერჯერობით არაფერს მიბრუნებენ.

ვხელმძღვანელობ რა უადრესად კეთილშობილური ზრახვებით და ვიცი, რომ თბილისის ეროვნული ცირკის დასი გასაპირშია და ჯამბაზების ნაკლებობას განიცდის. ვშუამდგომლობ თქვენს წინაშე, რათა ამხ. გოშთელიანი გადაიყვანოთ თბილისის სახელმწიფო ცირკის დასში და ნუ ილუპება სვანეთის მთებში ასეთი სწორუპოვარი ტალანტი!

ჯიხვი

რედაქტორი ნ. შველიძე. | სარედაქციო კოლეგია: აკ. ბელიაშვილი, ნ. დუმბაძე, | საქ. კ. ცენტრალური კომიტეტის გამომცემლობა  
ბ. კლდიაშვილი, ნ. მალაზონია, მ. ქარჩავა, თ. ქელიძე.

თბილისი. სატირისა და იუმორის ყურნალი „ნიანგი“. Тбилиси. Сатирико-юмористический журнал „Ниянги“. | რედაქციის მისამართი: რუსთაველის გამზ. № 42. ტელეფონები: რედაქტორის — 3-76-69, ხაერთო განყოფილების — 3-10-49.


გამომც. № 15. ხელმოწ. დასაბ. 28/VI-1960 წ. ქალ. ზომა 70x108 1/8, 0,5 ნაბ. ფურც. 1,37. ფიზიკურ ფორმათა რაოდენობა 0,5. პირობით ფორმათა რაოდენობა 1. ხელნაწერები ავტორებს არ უბრუნდებათ. პოლიგრაფკომბინატი „კომუნისტი“, ლენინის ქ. 14 ზეც. № 1275 უფ. 00060. ტირ. 40.000



ნახ. გ. ლომიძისა

ამერიკის სამხედრო თვითმფრინავმა ბარენცის ზღვაში, კოლის ნახევარკუნძულის მახლობლად, დაარღვია საბჭოთა კავშირის სახელმწიფო საზღვარი წმინდა ცხვირის კონცხის ახლოს და არხანგელსკის მიმართულებით მიდიოდა, აუცილებლად სპარტეოდაც მათ ეს წმინდა ცხვირი და აი ჩვენს საზღვრებში შემოსჩარეს კიდევაც თავისი ცხვირი.

ნ. ს. ხრუშიაშვილის განცხადებით 12 ივლისს კრემლში გამართულ პრეს-კონფერენციაზე.



უწმინდესი ცხვირის მოკვეთა წმინდა ცხვირის კონცხთან